



揚子第六卷

五百篇

聖人聰明淵懿繼天測靈冠乎羣倫經諸範謨五百
或問五百歲而聖人出有諸曰堯舜禹君臣也而並
文武周公父子也而處湯孔子數百歲而生因往以
推來雖千一不可知也聖人有以擬天地而參諸身
乎或問聖人有詘乎曰有曰焉詘乎曰仲尼於南子
所不欲見也於陽虎所不欲敬也見所不見敬所不
敬不詘如何或曰衛靈公問陳則何以不詘曰詘身
將以信道也如詘道而信身雖天下不可爲也聖人

重其道而輕其祿。衆人輕其道而重其祿。聖人曰於道行歟。衆人曰於祿殖歟。昔者齊魯有大臣史失其名曰如何其大也。曰叔孫通欲制君臣之儀徵先生於齊魯所不能致者二人曰若是則仲尼之開跡諸侯也。非邪曰仲尼開跡將以自用也。如委已而從人雖有規矩準繩焉得而用之。或問孔子之時諸侯有知其聖者歟。曰知之曰知之則曷爲不用。曰不能曰知聖而不能。用也。可得聞乎。曰用之則宜從之。從之則弃其所習。逆其所順。彊其所劣。捐其所能。衝衝如也。非天下之至德孰能用之。或問孔子知其道之不

用也。則載而惡乎之。曰之後世君子曰賈如是不亦鈍乎。曰衆人愈利而後鈍。聖人愈鈍而後利。關百聖而不慙。蔽天地而不恥。能言之類莫能加也。貴無敵富無倫。利孰大焉。或曰孔子之道不可小歟。曰小則敗聖。如何曰若是則何爲去乎。曰愛日。曰愛日而去何也。曰由羣婢之故也。不聽政諫而不用。雉噫者吾於觀庸邪無爲飽食安坐而慙觀也。由此觀之。夫子之日亦愛矣。或曰君子愛日乎。曰君子仕則欲行其義居則欲彰其道。事不慙教不倦焉得也。或問其有繼周者。雖百世可知也。秦已繼周矣。不待夏禮而治

者其不驗乎。曰：聖人之言天也。天安乎？繼周者未欲
泰平也。如欲泰平也，捨之而用佗道，亦無由至矣。赫
赫乎！日出之光，羣目之用也。渾渾乎！聖人之道，羣心
之用也。或問：天地簡易，而聖人法之，何？五經之文，離
曰：文離，蓋其所以爲簡易也。已簡已易，焉支焉離，或
曰：聖人無益於庸也。曰：世人之益者，倉廩也。取之如
軍，仲尼神明也。小以成小，大以成大。雖山川、丘陵、草
木、鳥獸，裕如也。如不用也，神明亦末如之何矣。或問
聖人占天乎？曰：占天也。若此，則史也。何異？曰：史以天
占人，聖人以人占天。或問：星有耳石，何如？曰：在德不

在星，德隆則畧星，星隆則畧德也。或問：大人曰：無事
於小，爲大人。請問：小曰：事非禮義爲小，聖人之言遠
如天，賢人之言近如地。瓏璣其聲者，其質玉乎？聖人
矢口而成言，肆筆而成書，言可聞而不可殫，書可觀
而不可盡。周之人多行秦之人事，多病行有之也。病曼
之也。周之士也，貴秦之士也，賤周之士也。肆秦之士
也，拘月未望則載魄于西，既望則終魄于東，其趨於
日，采彤弓，驢矢不爲有矣。聆德前世，清視在下，鑑莫
近於斯矣。或問：何如動而見畏？曰：畏人何如動而見
侮？曰：侮人夫見畏與見侮，無不由已。或問：禮難以彊

世曰難故彊世如夷俟倨肆羈角之哺果而階之奚
其彊或性或彊及其名一也見弓之張兮弛而不失
其良兮或曰何謂也曰撒之而已矣川有防器有範
見禮教之至也經營然後知幹楨之克立也莊楊蕩
而不法墨晏儉而廢禮申韓險而無化鄒衍迂而不
信聖人之材天地也次山陵川泉也次鳥獸草木也

先知篇

立政鼓衆動化天下莫尚於中和中和之發在哲民
情誤先知先知其幾於神乎敢問先知曰不知知其
道者其如視忽眇絲作炳先甲一日易後甲一日難

或問何以治國曰立政曰何以立政曰政之本身也
身立則政立矣或問爲政有幾曰思數或問思數曰
昔在周公征于東方四國是王召伯述職蔽芾其棠
其思矣夫齊桓公欲徑陳陳不果內執袁濤塗其數
矣夫嗚呼從政者審其思數而已矣或問何思何數
曰老人老孤人孤病者養死者葬男子畝婦人桑之
謂思若干人老屈人孤病者獨死者遽田畝荒杆軸
空之謂數爲政日新或人敢問日新曰使之利其仁
樂其義厲之以名引之以美使之陶陶然之謂日新
或問民所勤曰民有三勤曰何哉所謂三勤曰政善

而吏惡一勤也。吏善而政惡二勤也。政吏駢惡三勤也。貪獸食人之食。土木衣人之帛。殺人不足於書。絲人不足於衣。之謂惡政。聖人文質者也。車服以彰之。藻色以明之。聲音以揚之。詩書以光之。遠豆不陳。玉帛不分。琴瑟不鏗。鍾鼓不眩。吾則無以見聖人矣。或曰。以往聖人之法治將來。譬猶膠柱而調瑟。有諸。曰。有之。曰。聖君少而庸君多。如獨守仲尼之道。是漆也。曰。聖人之法。未嘗不關盛衰焉。昔者堯有天下。舉大綱。命禹。夏殷周屬其子。不膠者卓矣。唐虞象刑。惟明。夏后肉辟三千。不膠者卓矣。堯親九族。協和萬國。湯

武桓桓。征伐四克。由是言之。不膠者卓矣。禮樂征伐。自天子所出。春秋之時。齊晉實予。不膠者卓矣。或曰。人君不可不學律令。曰。君子為國。張其綱紀。謹其教化。導之以仁。則下不相賊。莅之以廉。則下不相盜。臨之以正。則下不相詐。修之以禮義。則下多德讓。此君子所當學也。如有犯法。則司獄在。或苦亂。曰。綱紀曰。惡在於綱紀。曰。大作綱。小作紀。如綱不綱。紀不紀。雖有羅網。惡得一目而正諸。或曰。齊得夷吾而霸。仲尼曰。小器請問大器。曰。大器其猶規矩準繩乎。先自治而後治人之謂大器。或曰。正國何先。曰。躬工人績。或

曰爲政先殺後教曰嗚呼天先秋而後春乎將先春而後秋乎吾見玄駒之步雉之晨雉也化其可以已矣哉民可使覲德不可使覲刑覲德則純覲刑則亂象龍之致雨也難矣哉曰龍乎龍乎或問政核曰真僞真僞則政核如真不真僞不僞則政事不核鼓舞萬物者其雷風乎鼓舞萬民者其號令乎雷不風不再聖人樂天陶成天下之化使人有士君子之器者也故不遁于世不離于羣遁離者是聖人乎雌之不才其卵殼音矣君之不才其民野矣或曰載使子草律曰吾不如弘恭草奏曰吾不如陳湯曰何爲曰必

也律不犯奏不刻甄陶天下者其在和柔剛則執柔則恆龍之潛亢不獲其中矣是以過中則惕不及中則躍其近於中乎聖人之道譬猶日之中矣不及則未過則曷什一天下之正也多則桀寡則貉井田之田田也肉刑之刑刑也田也者與衆田之刑也者與衆弃之法無限則庶人田侯田處侯宅食侯食服侯服人亦多不足矣爲國不迪其法而望其效譬言諸算乎

揚子第七卷

揚子第七卷
重黎篇

仲尼以來國君將相卿士名臣參差不齊一槩諸聖
誤重黎或問南正重司天北正黎司地今何僚也曰
近義近和孰重孰黎曰義近重和近黎或問黃帝終
始曰託也昔者妣氏治水土而巫步多禹扁鵲盧人
也而醫多盧夫欲讎偽者必假真禹乎盧乎終始乎
或問渾天曰落下閔營之鮮于安人度之耿中丞象
之幾幾乎莫之能達也請問蓋天曰蓋哉蓋哉應難
未幾也或問趙世多神何也曰神怪茫茫若存若亡

聖人曼云。或問子胥種蠶孰賢。曰胥也。俾吳作亂。破楚入郢。鞭尸藉館。皆不由德。謀越諫齊不式。不能去卒眼之種蠶。不彊諫而山棲。俾其君訕社稷之靈。而童儂又終弊吳。賢皆不足邵也。至蠶策種而道肥矣。哉。或問陳勝吳廣曰亂曰不若是則秦不亡曰亡秦乎。恐秦未亡而先亡矣。或問六國並其已久矣。一病一瘳。迄始皇三載而咸時。激地保人事乎。曰具請問事曰孝公以下。彊兵力農以蠶食六國事也。保曰東溝大河南阻高山。西采雍梁。北鹵涇垠。便則申否則蟠保也。激曰始皇方斧將相方刃六國方木將相方

肉激也。或問秦伯列爲侯衛卒吞天下而赧曾無以制乎。曰天子制公侯伯子男也。庸節節莫差於僭。僭莫僭於祭。祭莫重於地。地莫重於天。則襄文宣靈其兆也。昔者襄公始僭西時以祭白帝。文宣靈宗興廊密。上下用事四帝而天王不匡。反致文武胙。是以四疆之內各以其力來侵。攘肌及骨。赧獨何以制秦乎。或問嬴政二十六載天下擅秦。秦十五載而楚。楚五載而漢。五十載之際而天下三擅。天邪人邪。曰具周建子弟列名城。班五爵。流之十二。當時雖欲漢得乎。六國蚩蚩爲羸弱。姬卒之屏營。羸擅其政。故天下擅

秦秦失其猷，罷侯置守，守失其微，天下孤睽。項氏暴
彊，改宰侯王，故天下擅楚。擅楚之月，有漢紉業。山南
發跡三秦，追項山東。故天下擅漢，天也。人曰：兼才尚
權，右計左數，動謹於時人也。天不人，人不天，不
成。或問：楚敗垓下方死，曰：天也。諒乎？曰：漢屈羣策羣
策，屈羣力。楚傲羣策而自屈其力，屈人者克，自屈者
負。天曷故焉？或問：秦楚既為天典，命矣。秦縊灞上，楚
分江西興廢，何速也？曰：天胙光德而隕明，忒昔在有
熊。高陽高辛，唐虞三代，咸有顯德，故天胙之為神明
主，且著在天庭，是生民之願也。厥饗國久長，若秦楚

強，闕震撲胎。當作胎，徒來切，謂也。藉三正，播其虐於黎苗子弟。
且欲喪之，況於民乎？況於鬼神乎？廢未速也。或問：仲
尼大聖，則天曷不胙，曰：無土。然則舜禹有土乎？曰：舜
以堯作土，禹以舜作土。或問：聖人表裏，曰：威儀文辭
表也。德行忠信裏也。或問：義帝初矯劉龔，南陽項救
河北二方分崩，一離一合，設秦得人如何？曰：人無為
秦也，喪其靈久矣。韓信黥布皆劔立，南面稱孤，卒窮
時戮，無乃勿乎？或曰：勿則無名，如何？曰：名者，謂令名
也。忠不終而躬逆焉，攸令。或問：淳于越曰：伎曲請問
曰：始皇方虎捫而梟磔噬土，猶腊肉也。越與亢眉終

無撓辭可謂伎矣仕無安之國會無安之粟分無安
之橈自今之間而不違可謂曲矣或問茅焦歷井幹
之死使始皇奉虛左之乘蔡生案漢書云韓生欲安項咸陽
不能移又亨之其者未辯歟曰生捨其木侯當作而
謂人木侯亨不亦宜乎焦逆許而順守之雖辯劇虎
牙矣或問甘羅之悟呂不韋張辟疆之覺平勃皆以
十二齡茂良乎曰才也茂良不必父祖或問酈食其
說陳留下教倉說齊罷歷下軍何辯也韓信襲齊以
身脂鼎何辯也曰夫辯也者自辯也如辯人幾矣或
問蒯通抵將信不能下又狂之曰方遭信閉如其抵

曰噫可抵乎曰賢者司禮小人司噫沉

變乎或問

李斯盡忠胡亥極刑忠乎曰斯以留客至作相用狂
人之言從浮大海立趙高之邪說廢沙丘之正阿意
督責焉用忠霍曰始元之初擁少帝之微摧燕上官
之鋒處興廢之分堂堂乎忠難矣哉至顯不終矣或
問馮唐面文帝得廉頗李牧不能用也諒乎曰彼將
有激也親屈帝尊以信亞夫之軍至頗牧曷不用哉
德曰罪不孥官不女館不新陵不墳或問交曰仁問
餘耳曰光初竇灌曰凶終或問信曰不食其言請人
曰晉荀息趙程嬰公孫杵臼秦大夫鑿穆公之側問

義曰事得其宜之謂義或問季布忍焉可為曰能者
為之明哲不為也或曰當布之急雖明哲如之何曰
明哲不終項仕如終焉攸避或問賢曰為人所不能
請人曰顏淵黔婁四皓章玄成問長者曰藺相如伸
秦而屈廉頗樂布之不塗朱家之不德直不疑之不
校韓安國之通使或問臣之自得曰石大僕之對金
將軍之謹張衛將軍之善慎邢大夫之不伐善請問
臣之自失曰李貳師之執二田析連之濫帥韓馮翊
之愆蕭趙京兆之犯魏或問持滿曰扼款扼於楊王
孫保葬以矯世曰矯世以禮保乎如矯世則葛溝尚

矣或問周官曰立事左氏曰曰聖漢大史遷曰實錄

揚子第七卷終

揚子第八卷

淵騫篇

仲尼之後迄于漢道德行顏閔股肱蕭曹爰及名將
 尊卑之條稱述品藻誤淵騫或問淵騫之徒惡乎在
 曰在寢或曰淵騫曷不寢曰攀龍鱗附鳳翼翼以揚
 之勃勃乎其不可及乎如其寢如其寢七十子之於
 仲尼也日聞所不聞見所不見文章亦不足為矣君
 子絕德小人絕力或問絕德曰舜以孝禹以功皋陶
 以謨非絕德邪力秦悼武烏獲任鄙扛鼎抃牛非絕
 力邪或問勇曰軻也曰何軻也曰軻也者謂孟軻也

若荆軻君子盜諸請問孟軻之勇曰勇於義而果於德不以貧富貴賤死生動其心於勇也其庶乎魯仲連古蕩而不割古制蘭相如割而不傷或問鄒陽曰未信而分疑抗辭免壘切鍾幾矣哉或問信陵平原孟嘗春申益平曰上失其政姦臣竊國命何其益乎樽里子之智也使知國如知韓則吾以疾為著龜周之順赫以成周而西傾秦之惠文昭襄以西山而東并孰愈曰周也羊秦也狼然則狼愈歟曰羊狼一也或問蒙恬忠而被誅忠奚可為也曰慙山堙谷起臨洮擊遼水力不足而屍有餘忠不足相也或問呂

不韋其智矣乎以人易貨曰誰謂不韋智者歟以國易宗呂不韋之盜穿窬之雄乎穿窬也者吾見擔石矣未見雒陽也秦將白起不仁奚用為也長平之戰四十萬人死蚩尤之亂不過於此矣原野厭人之肉川谷流人之血將不仁奚用為或問曰始皇方獵六國而翦牙欸或問要離非義者歟不以家辭國曰離也火妻灰子以及於慶忌實蛛螫音之靡也焉可謂之義也政也為嚴氏犯韓刺相俠累曼面為姊實壯士之靡也焉可謂之義也軻也為丹奉於期之首燕督亢之圖入不測之秦實刺客之靡也焉可謂之義也

西漢十五人皆美
美行、言辭、執正、
折節、守侯、以書。

或問儀秦學乎鬼谷術而習乎縱橫言安中國者各
十餘年是夫曰詐人也。聖人惡詐曰孔子讀而儀秦
行何如也曰甚矣鳳鳴而鷲翰也曰然則子貢不為
歟曰亂而不解子貢恥諸說而不富貴儀秦恥諸說
曰儀秦其才矣乎跡不蹈已曰昔在任人帝曰難之
亦才矣才乎才非吾徒之才也美行東園公綺里季夏
黃公角里先生言辭婁敬陸賈執正王陵申屠嘉折
節周昌汲黯守儒袁固申公災異董相夏侯勝京房
或問蕭曹曰蕭也規曹也隨滕灌樊鄴曰俠介叔孫
通曰槩人也袁盎曰忠不足而談有餘晁錯曰愚酷

吏曰虎哉虎哉角而翼者也貨殖曰蚊曰血國三千
使將踈飲水揭博沒齒然也或問循吏曰吏也游俠
曰竊國靈也佞幸曰不料而已或問近世社稷之臣
曰若張子房之智陳平之無悞絳侯勃之果霍將軍
之勇終之以禮樂則可謂社稷之臣矣或問公孫弘
董仲舒孰過曰仲舒欲為而不可得弘容而已矣或
問近世名卿曰若張廷尉之平雋京兆之見尹扶風
之繁王子貢之介斯名卿矣將曰若條侯之守長平
冠軍之征伐博陸之持重可謂名將矣請問古曰鼓
之以道德征之以仁義與尸血刃皆所不為也張蒼

蘇武之奉使也。執節沒身。不屈王命。雖古之庸使其
猶劣諸。世稱東方生之盛也。言不純師。行不純表。其
流風遺書。幾如也。或曰隱者也。曰昔之隱者。吾聞其
語矣。又聞其行矣。或曰隱道多端。曰固也。聖言聖行。
不逢其時。聖人隱也。賢言賢行。不逢其時。賢者隱也。
談言談行。不逢其時。談者隱也。昔者箕子之漆其身
也。在接輿之被其髮也。欲去而恐罹害者也。箕子之
洪範。接輿之歌鳳也哉。或問東方生名過實者何也。
曰應諧不窮。正諫穰德。應諧似優。不窮似哲。正諫似
直。穰德似隱。請問名曰詼。達惡比曰非夷齊。而是亦

下惠戒其子以尚谷。首陽爲拙。柱下爲工。飽食安坐。
以仕易農。依隱玩世。詭時不逢。其滑稽之雄乎。或問
柳下惠非朝隱者歟。曰君子謂之不恭。古者高餓顯
下祿。隱安譽仁之賊也。安毀義之賊也。賊仁近鄉原。
賊義近鄉訕。或問子蜀人也。請人曰有李仲元者。人
也。其爲人也。柰何曰。不屈其意。不累其身。曰是夷惠
之徒歟。曰不夷。不惠。可否之間也。如是則奚名之不
彰也。曰無仲尼。則西山之餓夫。與東國之絀臣。惡乎
聞。曰王陽貢禹。遇仲尼乎。曰明星皓皓。華藻之力也。
歟。曰若是則奚爲不自高。曰皓皓者已也。引而高之。

者天也。子欲自高邪。仲元世之師也。見其貌者。肅如也。聞其言者。愀如也。觀其行者。穆如也。但聞以德誥人矣。未聞以德誥於人也。仲元畏人也。或曰。育貴曰育貴也。人畏其力。而侮其德。請條曰。非正不視。非正不聽。非正不言。非正不行。夫能正其視聽言行者。昔吾先師之所畏也。如視不視。聽不聽。言不言。行不行。雖有育貴。其猶侮諸。

揚子第八卷終

揚子卷第九

君子篇

君子純終領聞。蠶油。檢押。旁開。聖則。讓君子。或問君子言則成文。動則成德。何以也。曰。以其弼中而彪外也。般之揮斤。羿之激矢。君子不言。言必有中也。不行。行必有稱也。或問君子之柔剛。曰。君子於仁也柔。於義也剛。或問航不漿。衝不齋。有諸。曰。有之。或曰。大器固不周於小乎。曰。斯械也。君子不械。或問孟子知言之要。知德之奧。曰。非苟知之。亦允蹈之。或曰。子小諸子。孟子非諸子乎。曰。諸子者。以其知異於孔子者也。

孟子異乎。不異。或曰荀卿非數家之書。佻能括切也也。至于子思。孟軻。詭哉。曰吾於荀卿歟。見同門而異戶也。惟聖人爲不異。牛玄駢白睥睥而角。其升諸廟乎。是以君子全德。或問君子似玉。曰純淪溫潤柔而堅。玩辭而廉隊。乎其不可形也。或問仲尼之術。周而不泰。大而不小。用之猶牛鼠也。曰仲尼之道。猶四瀆也。經營中國。終入大海。它人之道。者西北之流也。綱紀夷貉。或入于沱。或淪于漢。淮南說之用。不如太史公之用也。太史公。聖人將有取焉。淮南鮮取焉。爾必也。儒乎。乍出乍入。淮南也。文麗用寡。長卿也。多愛不恣。

子長也。仲尼多愛。愛義也。子長多愛。愛奇也。或曰甚矣。傳書之不果也。曰不果。則不果矣。人以巫鼓。或問聖人之言。炳若丹青。有諸。曰吁。是何言歟。丹青初則炳。久則淪。淪乎哉。或曰聖人之道。若天天。則有常矣。奚聖人之多變也。曰聖人固多變。子游子夏。得其書矣。未得其所以書也。宰我子貢。得其言矣。未得其所以言也。顏淵閔子。得其行矣。未得其所以行也。聖人之書。言行天也。天其少變乎。或曰聖人自恣歟。何言之多端也。曰子未覩禹之行水歟。一東一北。行之無礙也。君子之行。獨無礙乎。如何直往也。水避礙則通。

於海。君子避礙，則通於理。君子好人之好，而忘己之好。小人好己之好，而忘人之好。或曰：子於天下，則誰與？曰：與夫進者乎？或曰：貪夫位也，慕夫祿也，何其與？曰：此貪也，非進也。夫進也者，進於道，慕於德，殷之以仁義，進而進，退而退，日孳孳而不知勸者也。或曰：進進，則聞命矣。請問退進。曰：昔乎顏淵以退爲進，天下鮮儷焉。或曰：若此，則何小於必退也？曰：必進，易儷也；必退，易儷也。進以禮，退以義，難儷也。或曰：人有齊死生，同貧富，等貴賤，何如？曰：作此者，其有懼乎？信死生，齊貧富，同貴賤，等則吾以聖人爲貴。豈通天地人，曰

儒通天地而不通人，曰伎人。必先作，然後人名之。先求，然後人與之。人必其自愛也，然後人愛諸人。必其自敬也，然後敬諸自愛。仁之至也，自敬禮之至也。未有不愛敬而人愛敬之者也。或問：龍龜鴻鵠，不亦壽乎？曰：壽曰人可壽乎？曰：物以其性，人以其仁。或問：人言仙者，有諸乎？曰：吁！吾聞伏犧神農，歿黃帝堯舜，殂落而死。文王畢，孔子魯城之北，獨子愛其死乎？非人之所及也。仙亦無益子之彙矣。或曰：聖人不師仙，厥術異也。聖人之於天下，恥一物之不知。仙人之於天下，恥一日之不生。曰：生乎生乎，名生而實死也。或

曰世無仙則焉得期語曰語乎者非囂囂也歟惟囂
囂能使無爲有或問仙之實曰無以爲也有與無非
問也問也者忠孝之問也忠臣孝子惶乎不惶或問
壽可益乎曰德曰回牛之行德矣曷壽之不益也曰
德故尔如回之殘牛之賊也焉得尔曰殘賊或壽曰
彼妄也君子不妄有生者必有死有始者必有終自
然之道也君子忠人况已乎小人欺已况人乎

揚子第九卷終

揚子第十卷

孝至篇

孝莫大於寧親寧親莫大於寧神寧神莫大於四表
之歡心誤孝至孝至矣一言而該聖人不加焉父母
子之天地歟無天何生無地何形天地裕於萬物萬
物裕於天地裕父母之裕不裕矣事父母自知不足
者其舜乎不可得而父者事親之謂也孝子愛日孝
子有祭乎有齋乎夫能存亡形屬荒絕者惟齋乎故
孝子之於齋見父母之存也是以祭不賓人而不祭
豺獺乎或曰死生盡禮可謂能子乎曰石奮石建父

子之美也。無是父，無是子。無是父，或曰必也。兩乎曰：與堯無子，舜無父，不如堯父舜子也。子有含菽縕絮而致滋美，其親將以求孝也。人曰：偽如之何？曰：假儒衣書服而讀之，三月不歸，孰曰非儒也？或曰：何以處偽？曰：有人則作之，無人則輟之。之謂偽，觀人者審其作輟而已矣。不爲名之名，其至矣。爲名之名，其次也。或問：忠言嘉謨曰言合稷契之謂忠，謨合臯陶之謂嘉，或曰：邵如之何？曰：亦勗之而已。庠則秦儀鞅斯亦忠嘉矣。堯舜之道，皇兮，夏殷周之道，將兮，而以延其光兮，或曰：何謂也？曰：堯舜以其讓，夏以其功。

殷周以其伐，或曰：食如蠶衣如華，朱輪駟馬，金朱煌煌，無已。秦乎，曰：由其德，舜禹受天下，不爲秦，不由其德。五兩之綸，半通之銅，亦秦矣。天下之通道五，所以行之者一。曰：勉，或曰：力。有扛洪鼎，揭華旗，智德亦有之乎？曰：百人矣。德諸頑嚚，讓萬國，知情天地形不測，百人乎？或問：君曰：明光，問臣曰：若提，敢問何謂也？曰：君子在上，則明而光；其下在下，則順而安。其上或曰：聖人事異乎？曰：聖人德之爲事，異亞之。故常修德者，本也；見異而修德者，末也。本末不修而存者，未之有也。天地之得斯民也，斯民之得一人也，一人之得心。

矣。吾聞諸傳，老則戒之，在得年彌高而德彌邵者是。孔子之徒歟，或問德有始而無終，與有終而無始也。孰寧曰：寧先病而後瘳乎？寧先瘳而後病乎？或問大曰：小問遠曰：邇未達曰：天下爲大，治之在道，不亦小乎？四海爲遠，治之在心，不亦邇乎？或問俊哲，洪秀曰：知哲聖人之謂俊，秀穎德行之謂洪。君子動則擬諸事事，則擬諸禮，或問羣言之長，羣行之宗，曰：羣言之長，德言也，羣行之宗，德行也。或問泰和，曰：其在唐虞成周乎？觀書及詩，溫溫乎，其和可知也。周康之時，頌聲作乎下，關雎作乎上，習治也。齊桓之時，緼而春秋

美邵陵，習亂也。故習治則傷始亂也，習亂則好始治也。漢德其可謂允懷矣，黃支之南，大夏之西，東觀比女來貢其珍，漢德其可謂允懷矣。世鮮焉，芒芒聖德，遠人咸慕，上也。武義璜璜，兵征四方，次也。宗夷猶夏，蠢迪王人，屈國喪師，無次也。麟之儀儀，鳳之師師，其至矣乎。螭虎桓桓，鷹隼穢穢，未至也。或曰：訕訕北夷，被我純績，帶我金犀，珍膳寧鋤，不亦享乎。曰：昔在高文，武實爲兵主，今稽首來臣，稱爲北藩，是爲宗廟之神，社稷之靈也。可不享乎。龍堆以西，大漠以北，鳥夷獸夷，郡勞王師，漢家不爲也。朱崖之絕，捐之之力

也。否則介鱗易我衣裳。君人者。務在殷民阜財。明道
信義。致帝者之用。成天地之化。使粒食之民。粢也。晏
也。享于鬼神。不亦饗乎。天道勞功。或問勞功。曰。日一
日。勞考載。曰。功。或曰。君逸。臣勞。何天之勞。曰。於事則
逸。於道則勞。周公以來。未有漢公之懿也。勤勞則過
於阿衡。漢興二百一十載。而中天。其庶矣乎。辟靡以
本之。校學以教之。禮樂以容之。輿服以表之。復其并
刑勉人役。唐矣夫。

揚子第十卷終

